

示風疾緣由請彼處選擇上等醫人於來年早春發送到來理療風疾若見功效定不輕酬者今先送花錦及大綾中綾各一十段麝香一十臍分附王則貞齋持將去知大宰府官員處且充信儀到可收領者牒具如前當省所奉聖旨備錄在前請貴府若有端的能療風疾好醫人許容發送前來仍收領匹段麝香者謹牒

己未年曆三年十一月 日牒

少卿林

既木生

卿崔 卿鄭

〔經信卿記〕承曆四年閏八月五日甲子今日陣定也。○中次官問經王則貞事左大辨定申可遣醫人之趣右衛門督定申不可遣由左衛門督同左大辨予定申云件事旁依多疑召上付送高麗國牒狀宋朝商客王則貞被覆問了但太宰府解云彼國傳聞太宰府有良醫可被渡送之由所牒示也者而今不覆問其旨頗不審也抑高麗之於本朝也歷代之間久結盟約中古以來朝貢雖絕猶無略心是以若有可牒送者彼朝申牒本朝報示今當斯時為療病痾申請醫人云其由緒蓋被裁許乎若於可遣者除上腦醫之外可撰遣一兩歟猶向異土者可多心鬱之故也且又可被召問雅忠朝臣又申請之後漸歷居諸彼病若平愈者奈渡遣何仍今度太宰府送牒被問彼病痾體并愈否重隨申請可渡遣歟兩箇之議可隨勅定又所送太宰府方物等納否之條忽難定申其故者天慶年中高麗國使下神秋連陳狀彼國王愁然被停朝貢之事者以件方物可准朝貢者忽乖前議可難容納歟然則被尋彼例可被量行歟又彼國牒狀多有三通云々今有一通偏為送太宰府牒狀歟被尋如此例等可被牒送歟

〔本朝續文粹十一〕日本國大宰府牒高麗國禮賓省却廻方物等事

牒得彼省牒僞當省伏奉聖旨訪聞貴國有能理療風疾醫人今因商客王則貞廻歸次仰因便通牒及於王則貞處說示風疾緣由請彼處選擇上等醫人於來年早春發送到來理療風疾。○中抑牒狀之詞頗賾故事改處分而曰聖旨非蕃王可稱宅退陬而跨上邦誠彝倫道數况亦託商人之旅艇寄殊俗之